

SCRIPT OF EVENING GOJRI NEWS BULLETIN 09MAR 2026  
1700HRS

اوننگ گوجری نیوز بولیٹن 09 مارچ 2026

\*\*\*\*\*

یوہ آکاشوانی جموں بے عبدالرحمان تے نصرت چوہدری تیں خبر سنو۔

\*\*\*\*\*

HEADLINES

۱. وزیر اعلیٰ عمر عبدالہ نال اج قانون ساز اراکین نے ملاقات کرے اپنا متعلقہ حلقاں گا بکھ بکھ ترقیاتی کماں ور تبادلہ خیال کیو ہے۔
۲. نائب وزیر اعلیٰ سریندر چوہدری نے اج جموں ماہہ جے کے پی سی سی غا دفتر غو چان چک دورو لاغے محکمہ گا کام کاج تے جاری پروجیکٹاں غی پیش رفت غو جائیزو لیو ہے۔
۳. صحت غی وزیر سکینہ اتو نے جے کے ایم ایس سی ایل غا کم کاج غو جائیزو لیو تے ادویات غا معیار تے سپلائی غی مسلسل نگرانی ور زور پایو۔
۴. جموں کشمیر ٹرانسپورٹ کمشنر غی طرفوں جاری کاروائیاں ماہہ پورا جموں کشمیر غے اندر گزشتہ 10 دناں ماہہ 300 لائسنس تے 700 آر سی معطل کی گئی ہیں۔

۵. محکمہ موسمیات نے جموں کشمیر یو ٹی غا کئی علاقاں ماہہ آئندہ کل تیں 12 مارچ توڑی بارش تے اوچا علاقاں ماہہ برف باری غی پیشین گوئی کی ہے۔

\*\*\*\*\*

MLA'S MEET CM

اج کئی قانون ساز ممبراں نے پارٹی خطوط تیں ہٹ غے وزیر اعلیٰ عمر عبداللہ نال ملاقات کی تے اپنا متعلقہ اسمبلی حلقاں ماہہ ترقیاتی کم کاج تے عوامی بہبود متعلق کئی امور ور تبادلہ خیال کیو میٹنگ غے دوران اراکین اسمبلی نے اپنا متعلقہ علاقاں گا عوامی مسائل تے ترقیاتی مسلاں وزیر اعلیٰ غے سامنے پیش کیا۔ اس دوران اراکین اسمبلی نے موصوف غی توجہ عوامی ڈھانچہ غی ترقی عوامی خدمات غی فراہمی تے فلاحی اسکیمیاں غا نفاذ ور میڈول کرائی۔ اراکین اسمبلی نے عوامی مطالبات غا فوری ازالہ ور زور دتو تاجے عوام توڑی وقت ربتاں فلاحی فائداں غی پہنچ ناہہ یقینی بنايو جاسکے۔ اس دوران وزیر اعلیٰ عمر عبداللہ نے قانون سازاں ناہہ یقینی دوايو کہ حکومت عوام غا حقیقی خدشات ناہہ دور کرن وستے پُر عزم ہے۔

\*\*\*\*\*

Dy CM

نائب وزیر اعلیٰ سریندر چوہدری نے اج جموں ماہہ جموں کشمیر پروجیکٹ تعمیراتی کارپوریشن جے کے پی سی سی غا دفتر غو اچانک دورو کیو تاجے محکمہ گا کم کاج تے جاری پروجیکٹاں غی پیش رفت غو جائیزو لیو جاسکے۔ دورہ غے دوران موصوف نے کارپوریشن غا دفتر غو معائنو کیو تے اس دوران مذکورہ کارپوریشن غی طرفوں کیا جارہیا بکھ بکھ ترقیاتی کماں غی عمل آوری تے موجودہ صورتحال غے بارے عہدیداراں نال گل بات کی۔ اس دوران موصوف نے شفافیت کارکردگی تے جاری منصوباں ناہہ وقت ربتاں مکمل کرن غی ضرورت ور





نے معلوماتی سٹال لاغے کاروباری افراد وستے دستیاب سکیمان تے دیگر خدمات  
غی نمائش کی۔ مقامی تاجران نے وی اس میلہ ماٹہ اپنی مصنوعات غی نمائش  
تے فروخت کی۔ اس دوران زائرین نے مقامی تاجران غی کافی حوصلہ افزائی کی۔  
\*\*\*\*\*